

職方典第六百三十六卷

瀘州部彙考二

瀘州驛遞考

總志州縣志合載

本州

瀘州水驛黃巖水驛

立市馬驛俱在治北

渠壩水驛在治西

瀘川馬驛在治南

來節驛萬曆初知州趙大信建以上俱燬

站船三隻水手六名橈夫十八名歲支銀四百

九十六兩八錢

東門渡大江南行由橋村學堂大橋諸鋪交納溪界

大江正東由永

安鋪黃葛鋪文星橋石龜樓分水嶺老鷹崖龍蕩子至姚壩交仁懷縣界

西門由龍吟鋪

高碛鋪方山鋪龍橋鋪馬嶺鋪南井驛交江安界

會津門渡小市由土槽口雙林鋪高山

鋪中火鋪林坎鋪來節驛嘉明鎮交隆昌縣界

北門渡資江小市由鳳橋鋪高山鋪胡市

鋪高店鋪朱明鋪至鎮交富順界

大江東北由大橋鋪白茅鋪黃巖驛神山驛虎頭鋪黑

石鋪交合江縣界

小市東北由金井鋪特凌鋪石盤鋪新店鋪石馬鋪雲錦鋪安賢鋪立

市站交永川縣界

納溪縣

峽口水驛在治東

渠壩驛裁

納溪水驛立水站站船三隻水手六名橈夫十八名歲

支銀四百九十六兩八錢

康熙十九年因

大師進勦於江門設驛馬二十四驛丞一員二十一年雲貴蕩平奉裁

縣門驛舊設六橈站

船三隻康熙四十八年奉裁一隻存留六橈船二隻應遞過往差員

江門驛站船一隻於

康熙元年因納邑地少民稀上議歸於叙永軍糧廳領設久成定例

合江縣

史壩水驛在治東

牛腦水驛在治北

神仙水驛在治西俱燬

站船三隻水手六

名橈夫十八名歲支銀四百九十六兩八錢

江安縣

江門水驛在治東

黃壩水驛在治南

大洲水驛站船三隻水手六名橈夫十八名歲

支銀四百九十六兩八錢

瀘州兵制考

州志

州總

瀘州衛守備一員

駐防瀘江把總一員兵五十名係永寧協鎮分撥每歲更換自康熙二十三年甲子起

駐防納溪縣把總一員

駐防江安縣把總一員俱隸永寧協

瀘州物產考

州志

州總

香薷治北金井鋪石岡上生者爲佳飲可祛暑

荔枝在治南藍田壩久伐無遺杜工部詩

憶過瀘戎摘荔枝清風隱映石逶迤京中舊見君顏色紅顆酸甜只自知卽詠此也

茶茶

經瀘茶味佳飲之療風

古今圖書集成

之二 兵制考 物產考 古蹟考之一

楠木

石青

鯉魚

石綠

竹桃江安縣出

瀘州古蹟考

總志州志合載

本州

樂共城在治內小龜山宋置城領江門寨鎮溪梅嶺大洲三堡後并入江安寨入納溪林廣討瀘彝乞弟破樂共城卽此 武都城在治北三十里宋大觀初建滋州置承流仁懷二縣宣

和中廢州爲武都城以仁懷縣爲堡承流縣并入仁懷 九支城在治西五十里宋大觀初

建純州置九支安溪二縣及美利城宣和初廢巴州及九支縣爲城以安溪美利城爲寨改滋

州爲堡

鐵瀘城在治東百里宋制置使余玠遷瀘州於神臂山卽此

廢涇南縣在涇

水之南唐分涇南縣後省入瀘

瀘川廢縣在治內本漢江安縣梁置瀘州於此隋改爲瀘

川縣唐宋仍舊元省遺址尙存

綏遠寨初屬武都城宋宣和初始屬州

麴道寨在治

南二十里東漢征南蠻屯兵於此

博望寨在治東宋咸平七年置神宗賜名南壽以寨在

南壽山故也

海觀在治東隅大江之潯秋夏遇水漲兩江環合瀾漫浩渺真如海觀

茶蘼洞在治南二里石刻三字今磨滅

飛雲洞在治西唐庚讀書處

飛霞洞在治南

方山卽真人韓飛霞修煉處

古榕樹在寶山盤結天矯如龍

石海螺在龍貫山往過

吹之山谷皆震人以爲公輸子真蹟

木盤樹在治南三十里朱家莊有木盤樹葉如桑柘

甚茂蕃舊傳朱氏鄉試一人豫結一盤會試一人豫結一盤盤下結一盤連之朱子和朱茹朱

若朱藻等甲乙科第皆此樹之驗

拙溪在治東北七里黃山谷過而墜驢不曰驢拙而曰

溪拙手書拙溪二大字鐫石今尙存

馬謖溪在治西寶山下武侯征南蠻謖獻地輿隨師

屯溪上因名

龍馬潭在治北二十里唐州人王昌遇落魄仙授以道術比歸售馬送昌瞬

息至家而馬化爲龍入潭矣

鎖江塔在治東江上郡人王藩臣於明萬曆間傾宦橐造浮

圖以培風土號文筆點水

試劍石在治東渡頭昔傳仙人於此試劍石爲兩分

金鷄

灣在治南三牙腦渡口舊傳仙欲成梁於大江聽雞鳴乃止江北水中橋礮尙存水落春晴觀

之猶見

天生橋在治北六十里江邊山石生成不假釜鑿人工因名之

閣書巷在治

南 螺螄井在治南

撫琴臺在治北孝子尹伯奇投江後登臺鼓履霜之操以悟親心

父吉甫援琴作子安操臺乃山石生成周圍十丈至今靜夜猶聆琴音 鴈塔按明一統志

在舊郡學趙雄卽講堂中庭立二鴈塔鐫進士姓名於上 鎮遠樓在治內四山環合氣像

甚偉卽明之大觀臺也 南定樓在治內宋郡守晁公武建取出師表中爲名昔陸務觀詩

行過梁州到益州今年又作渡瀘遊江山重複爭供眼風雨從橫亂入樓卽明之南樓今燬

江山平遠樓在治西寶山黃魯直豪遊題有江山平遠難爲畫景物高寒易得秋之句 雲

樓在治南學使何閔中建二層上肖魁神像鐫欲窮千里目更上一層樓一聯於樓一刻仰鑽

瞻忽四句於四柱今俱燬 四山堂在治寶山上宋李廔有詩今燬 籌邊堂在治內宋

安撫使黎伯登建 袞繡堂在治內宋趙雄出鎮於此因名 雅歌堂在治內宋安撫使

黎伯登建 整暇堂在治南宋建 四香亭在治南茶廐香春芙蕖香夏木犀香秋梅花

香冬亭之勝槩 瀘江亭在治東城外昔傳爲江陽兒祠後爲餞賓所卽明之江陽閣

葺亭在治北郡人王綸以母性不食薑作亭植薑以示不忘 觀瀾亭在治北隅弘治中副

使羅安建寄興亭在治內道署中羅安建 夢仙亭在治北三里江岸上明嘉靖間合州民

蔡百貫尙白蓮聚衆爲亂州牧以入覲委王判官者署事王與小吏謀誣瀘人暗結白蓮請勦之計欲乘機盜庫也爰檄屯鹽僉事崔監軍上南將解纜夢一黃衣道士曰瀘有難微公救不可公詢之道士曰王州判左計也民實冤之公問其處道士以住瀘之江西沱呂姓爲告公尋寤誌之及至瀘人壺漿以迎不罷市鬻尋執判官於兩臺治以法公問民曰有江西沱否曰有有呂道人否曰無也公遍遊沱下見崖石鐫有黃衣人如夢中像乃洞賓也始信告語應驗弗爽捐金建江亭塑坐像一睡像一昔燬今重建 百花春館在治北宋名宦魏了翁建爲士大夫遊賞之所 靜築樓在瀘州衛治內

納溪縣

保子寨在治西世傳武侯南征屯兵於此

舊縣壩在治北十里元大德中移江北以避蠻

害至大和仍復今縣基尙存昔人掘得銅犧象罇一太和羹盃一爵三貯於學宮

江陽樓

在治西

合江縣

試劍石在縣治北有大石兩分如剖相傳仙人試劍於此云前州治內亦有試劍石 先氏

巖在治北唐神童先汪讀書處元涼國公趙世延有記學士虞集跋皆磨滅難識 流杯池

在治南八里水從巖引注石渠上書天下奇觀四字晉王珍遊賞於此 流水亭在治東二

里鑿石渠構亭引流有碑文字磨滅不可考 吏隱閣宋治平四年鄧太師綰令瀘川作吏

隱閣於瀘之合江邑居之南轉清溪而上六十里曰安樂山世傳隋開皇時劉珍登真之地杜

光庭爲之傳李淑爲之記開皇所置三觀其一尙在乃命道士作劉真人祠堂因名其閣曰吏

隱閣 釣鰲亭按明一統志在治西十五里後唐王琛讀書釣魚之所 涼亭在治北

唐高宗樂安山取丹經詔碑在治西安樂山字磨滅難考 劉真人傳石杜光庭撰磨滅難

識 安樂山謄清三觀記石皇祐乙丑李淑撰石文剝落難考 劉真人藏經碑在治西

安樂山磨滅難考

江安縣

綿水廢縣在縣水溪口汶江水中洲上梁置縣隋唐因之宋乾德省入江安縣 梅嶺堡在

治西南三十里武侯屯兵處

賞靜巖在治東南宋呂伯祐讀書之所

安遠寨按明一

統志在縣南七十里世傳諸葛亮征蠻於此屯兵宋元豐中置爲寨

吏隱樓在治內縣令

鄧綰建

八閤樓在治北

偶住亭按明一統志在治東北宋黃庭堅自輿道還邑宰石

諒同遊此亭書琴操後改爲渡瀘亭

瀘州平蠻記碑宋熙寧中范百祿撰文在江安之偶

住亭尙存

墳墓附

本州

周馬氏夫人墓在治東羅東漕尖峯山太師尹吉甫尹伯奇生母也後建川主廟徙夫人於土地四相府基址猶存世傳墓尖峯之陽歲時吏民祭奠土人疲於奔走供億遂遷之以建廟

漢董允墓在治東董允壩瀘人

董承墓在治東

明陳謙墓在治北明洪武初改復直

隸以身殉民弘治中知州何綸修

納溪縣

老母墓在治北宋時節婦

合江縣

唐神童先汪墓在治西五里先市有宋進士劉望之碑磨滅不可識 宋張祕書墓在治南

金釵井之側

江安縣未載

瀘州峒蠻考

宋

仁宗慶曆 年詔於瀘州地復建姚州以蠻王子得蓋爲刺史 按宋史仁宗本紀不載 按

蠻彝傳瀘州西南徼外古羌彝之地漢以來王侯國以百數獨夜郎滇邛都雋昆明徙茆都冉

駟白馬氏爲最大夜郎在漢屬牂牁郡今涪州之西漆播珍等州封域是也滇在漢爲益州郡

今姚州善闡之地是也邛都雋州會同川與吐番接今邛部州蠻所居也雋今雋州昆明在黔

瀘徼外今西南番部所居也徙今雅州巖道地茆都在黎州南今兩林及野川蠻所居地是也

冉駹今茂州蠻汶山蠻地是也白馬氏在漢爲武都郡今階州汶州蓋羌類也此皆巴蜀西南徼外蠻彝也自黔恭以西至涪瀘嘉叙自階又折而東南至威茂黎雅被邊十餘郡綿亘數千里剛彝惡獠殆千萬計自治平之末訖於靖康大抵皆通互市奉職貢雖時有剽掠如鼠竊狗偷不能爲深患參考古今辨其封域琛贐之自至梯航之所及者爾若夫邊荆楚交廣則係之溪峒云清水彝者羈縻十州五國蠻也雜種彝獠散居溪谷中慶曆初瀘州言管下溪峒十州有唐及本朝所賜州額今烏蠻王子得蓋居其地部族最盛旁有舊姚州廢已久得蓋願得州名以長彝落詔復建姚州以得蓋爲刺史鑄印賜之

慶曆四年彝人寇三江砦清井監官兵擊走之按宋史本紀云云按蠻彝傳有彝在瀘州部亦西南邊地所部十州曰鞏曰定曰高曰奉曰清曰宋曰納曰晏曰投附曰長寧皆彝人居之依山險善寇掠清井監者在彝地中朝廷置吏領之以拊御彝衆或不得人往往生事慶曆四年四月彝人攻三江砦詔秦鳳路總管司發兵千人選官馳往捕擊旣而瀘州教練使生南招安將史愛誘降彝賊斗敖等詔並補三班差使殿侍清井招安巡檢未幾彝衆復寇三江砦

古今圖書集成
之二
指使王用等擊走之

皇祐元年夏四月梓州轉運使言清井監彝人平 按宋史本紀云云 按蠻彝傳皇祐元年二月彝衆萬餘人復圍清井監水陸不通者甚久初監戶晏州彝人錢而毆傷斗落妹其衆憤怒欲報之知瀘州張昭信勸諭既已聽服而清井監復執婆然村彝人細令等殺長寧州落占等十人故激成其亂詔知益州田況發旁郡士卒命梓夔路兵馬鈐轄宋定往援之於是兩路合官軍泊白芳子弟幾二萬人與戰兵死者甚衆饑死又千餘人數月然後平賜況及轉運使敕書褒獎宋定而下十三人進秩有差後况還朝乃奏彝衆連年爲亂繇主者非其人請令轉運鈐轄司舉官爲知監監押代還日特遷一資從之

嘉祐二年春二月梓夔路三里村彝人寇清井監 按宋史本紀云云 按蠻彝傳嘉祐二年

三里村彝斗還等百五十人復謀內寇有黃土坎彝斗蓋長寧州人也先以其事來告清井監引兵趨之捕斬七千餘級鈐轄司上聞詔賜斗蓋錢三十萬錦袍銀帶明年又補斗蓋長寧州刺史瀘州部舊領姚州廢已久有烏蠻王子得蓋者來居其地部族最盛數遣人詣官自言願

得州名以長彞落事聞因賜號姚州鑄印予之得蓋又乞敕書一通以遺子孫詔從其請

神宗熙寧七年熊本平瀘彞 按宋史神宗本紀云云 按蠻彞傳得蓋死其子竊號羅氏鬼

主鬼主死子僕射襲其號浸弱不能令諸族烏蠻有二酋領曰晏子曰斧望箇恕常入漢地

馬晏子所居直長寧寧遠以南斧望箇恕所居直納溪江安以東皆僕夜諸部也晏子距漢地

絕近猶有清井監之阻斧望箇恕近納溪以舟下瀘不過半日二酋浸强大擅劫晏州外六姓

及納溪二十四姓生彞彞弱小皆相與供其寶熙寧七年六姓彞自清井謀入寇命熊本經制

之景思立戰歿本將蜀兵募土丁及彞界黔州弩手以毒矢射賊賊驚潰於是山前後長寧等

十郡八姓及武都彞皆內附提點刑獄范百祿作文以誓之曰蠡茲彞醜清溪之澣爲虺爲豺

憑負固圍殺人於貨頭顱草莽莫慘燔炙莫悲奴虜舛號熟歷胡可悉數疆吏苟玩噤不敢語

奮若之歲曾是疆禦躑躅嘯聚三壕羅募債我將佐戕我士伍西南繹驛帝赫斯怒帝怒伊何

神聖文武民所安樂惟曰慈撫民所疾苦惟曰砥去乃用其良應變是許粥熊裔孫爰馭貔虎

殲其渠酋判其黨與既奪之心復斷右股攝提孟陬徂征有敘背孤擊虛采入厥阻兵從天下

鐵首具舉紛紜騰沓莫敢嬰牾火其巢穴及其困貯暨其貲畜墟其林籬被傷係縲以百千數
涇灘望風悉力比附丁爲帝民地曰王土投其器械籍入官府百死一贖莫保銅鼓歆盟神天
視此狗鼠敢忘誅絕以干罪罟乃稱上恩俾復故處殘醜厥角泣血懇語天子之德雨暘覆護
三五噍類請比涇倖大邦有令其戒警汝天既汝貸汝勿予侮惟十九姓往安汝堵吏治汝責
汝力汝布吏時汝耕汝稻汝黍懲創於今無怙往古小有堡障大有城戍汝或不聽汝擊汝捕
尙有虓將突騎強旅傳此黔軍毒矢勁弩天不汝容暴汝居所不汝遺育悔於何取立石於武
寧若熊本言二曾桀黠不羈縻之則諸蠻未易服遂遣人說誘招納於是晏子斧望箇恕及僕
夜皆願入貢受王命晏子未及命而死乃以箇恕知歸來州僕夜知姚州以箇恕之子乞弟晏
子之子沙取祿路並爲把截將西南彝部巡檢 按宋史熊本傳熙寧六年瀘川羅晏彝叛
詔察訪梓夔得以便宜治彝事本嘗通判戎州習其俗謂彼能擾邊者介十二村豪爲鄉導爾
以計致百餘人梟之瀘川其徒股栗願矢死自贖本請於朝寵以刺史巡檢之秩明示勸賞皆
踴躍順命獨柯陰一曾不至本合晏州十九姓之衆發黔南義軍強弩遣大將王宣賈昌言率

以進討賊悉力旅拒敗之黃葛下追奔深入柯陰窘乞降盡籍丁口土田及其重寶善馬蹄之
公上受貢職於是烏蠻羅氏鬼主諸彝皆從風而靡願世爲漢官奴遷刑部員外郎集賢殿修
撰同判司農寺神宗勞之曰卿不傷財不害民一旦去百年之患至於檄奏詳明近時鮮儷焉
賜三品服西南用兵蠻中始此

熙寧八年簡恕匿獠酋阿訛以事屬乞弟侵諸部 按宋史本紀不載 按蠻彝傳熙寧八年

兪州獠寇南州獠酋阿訛率其黨奔簡恕熊本重賞檄斬訛訛徒黠習知邊境虛實簡恕匿不
殺詭降於納溪訛得不死甚德簡恕爲伺邊隙會簡恕老厭兵以事屬乞弟遂與訛侵諸部

熙寧十年羅苟彝犯納溪砦詔副總管韓存寶討降之 按宋史本紀不載 按蠻彝傳熙寧

十年羅苟彝犯納溪砦初砦民與羅苟彝競魚苟誤毆殺之吏爲按驗彝已忿謂漢殺吾人官
不償我骨價反暴露之遂叛提點刑獄穆珣言納溪去瀘一舍羅苟去納溪數里今託事起端
若不加誅則烏蠻觀望爲害不細乃詔涇原副總管韓存寶擊之存寶召乞弟等犄角討蕩五
十六村十三國蠻乞降願納土承賦租乃詔罷兵

元豐元年命韓存寶經制瀘彝後遂破之又乞弟率晏州彝等寇江安城知瀘州喬敘委曲誘之始降按宋史本紀元年秋七月癸酉朔命西上閣門使忠州團練使韓存寶經制瀘州納溪彝冬十月辛亥韓存寶破瀘彝後城十有三圍按蠻彝傳元豐元年乞弟率晏州彝合步騎六千至江安城下責平羅荀之賞城中守兵纔數百震恐不能授甲蠻數日乃引去知瀘州喬敘要欲與盟遣梓夔都監王宣以兵二千守江安仍奏以乞弟襲歸來州刺史大運遣小校楊舜之召乞弟拜敕乞弟不出遣就賜之亦不見而令小蠻從舜之取敕以去喬敘因沙取祿路以賄招乞弟乃肯來

元豐三年夏四月乞弟侵邊兵官王宣戰歿五月復命韓存寶經制瀘彝乞弟請降按宋史本紀元豐三年夏四月乙巳以瀘州彝乞弟侵擾詔邊將討之戊申乞弟寇戎州兵官王宣等戰歿五月甲申復命韓存寶經制瀘彝按蠻彝傳元豐三年盟於納溪蠻以爲畏已益悖慢盟五日遂以衆圍羅箇牟族羅箇牟熊本所團結熟彝也王宣往救之蠻解圍合力拒官軍宣與一軍皆沒事遂張驛召存寶授方略統三將兵萬八千趨東川存寶怯懦不敢進乞弟送款